

民國佛教期刊文獻集成

民國佛教期刊文獻集成

任繼愈題



民國佛教期刊文獻集成

任繼愈題

第 1 卷



佛學叢報

中國書店

佛學叢報

第一號

佛學叢報第一期目錄

揮毫

發刊辭

凡例

論說

(一) 中華民國之佛教觀

(二) 佛教進行商榷書

(三) 佛學淺說

(四) 佛學商榷書

(五) 論佛教與國民之關係

學理

(一) 八識規矩頌

(二) 法性宗明綱論

歷史

(一) 三國佛教略史

(二) 禪宗六祖得道之原

事件

(一) 中華佛教會章程

(二) 佛教講習會廣告

紀事

傳記

楊仁山居士事略

問答

香嚴閣答問

文苑

雜俎

(一) 等不等觀雜錄

(二) 無爲館筆記

小說

(一) 社會鑑

(二) 智盜

中華民國元年九月初一日印刷
中華民國元年十月初一日出版

(定報價例)

每 月	半 年	全 年
一 冊 三 角	六 冊 一 元 六 角	十 二 冊 三 元

編輯所 上海愛而近路均益里一百二十五號

印刷所 上海海寧路 有正印刷所


發行所 上海望平街 有正書局


北京琉璃廠 有正書局

天津東馬路 有正書局




（普賢菩薩） 唐 吳道子 畫









漢 代 方 圓 塔 圖









發刊辭

中華民國元年。實維釋迦牟尼文佛應世之二千九百三十九年。佛學叢報將卜吉出版。謹先以大義布告世出世間曰。洪夫萬法。攝于一心。眞妄無殊。能所俱泯。妙造化之原。迥出言思之表者。其唯法界歟。然而絕待眞如。不守自性。無明幻起。遂生妄能。三細六麤。既依業而受報。四生七趣。實尅果以酬因。優游長夜之中。匍匐苦輪之下。幽途荆棘。孽海風波。若爲慧眼所觀。曷勝低眉之痛。唯我世尊。誓度衆生。廣行方便。投身飼虎。割肉啖鷹。析骨書經。剝皮乞偈。經乎塵劫。乃證菩提。然猶憫此剛強。悼斯隴悵。迦葉已往。彌勒未生。茫茫八難之鄉。浩浩五濁之世。不違本願。出現娑婆。棄王子之尊。舍國土之富。捐妻妾之奉。背父母之恩。削髮出家。現身苦行。菩提樹下。伽闍山中。麻麥一餐。冰霜六載。終致天龍興贊。魔媚收威。夜睹明星。示成正覺。應梵王之勸請。逗衆生之因緣。說法四十九年。度人恆河沙數。本懷既暢。化儀亦周。其猶皓月當空。衆星皆燦。繁花結實。陽春不居。烏乎蓋莫得而思議焉。迨至阿難集經。正法常住。馬鳴造論。大乘再興。迦葉秉直指之傳。龍猛宏秘密之部。光輝五印。綿亘千年。紀元溯夫東都。聲教及于中夏。金人感夢。白馬來經。六朝乃暢其流。三唐遂極其盛。宋元以降。少少替焉。陵夷至今。彌不逮矣。宗門守豁達之空。淨土失圓通之相。說般若者。未通三論。談法相者。復昧因明。講席則寥若晨星。學人亦稀如麟角。矧茲末法。異說紛紜。謬解南無之文。誤會涅槃之理。文人游戲。但益詞章。妙法瑜伽。流于歌唱。老氏則歸諸性命。

儒宗更衍爲良知。悉非了義之譚。未免哲人所病。邇者歐風東漸。景教西來。祆廟相望。譯人塗傳。目彌陀爲上帝。指極樂爲天堂。言名學則未解宗因。倡心理則不知唯識。羣盲互導。舉國如狂。紫色奪朱。蛙聲亂鼓。悲夫衣珠。故在客作。徒勞家寶。尙存乞鄰。何濟況值邦基初建。天命維新。上下危疑。之秋存亡絕續之會。倫理之藩籬已破。功利之思想方張。饑饉頻年。干戈滿地。國云多難。民不聊生。匹夫有攘臂之憂。大計無歸心之效。雖復仁人智士。慈孫力摩道德之旗。高建文明之幟。然而不悟緣生之理。則自由未屬完全。不發慈悲之心。則平等亦非究竟。嗟夫沉沉風雨。慨念鷄鳴。寂寂山林。何當獅吼。佛學叢報之刊。顧得而已。歟。將以解無爲之謗。釋迷信之疑。編誌獨取。眞詮流布。不同世諦。融通哲理。誘掖初機。默正人心。潛移刼運。促人類之進步。保世界之和平。分類十門。不敢略也。期月一冊。不敢濫也。驚嶺之風。此其嗣響。龍華之會。猥曰先聲。世之君子。或有取乎所願。見聞隨喜。悉植勝因。信受奉行。同圓種智。嘗水一滴。知大海之味。窺隙方寸。見無邊之空。迴向有情。從容一乘。云爾。

凡例

一本報按陽歷每月一號發行一冊全年都十二冊。

一本報編輯材料以佛學爲限。不涉世法。

一本報內容共分十一門如左

一圖畫 以曆史遺蹟勝地風景及名人畫像採擇印行。

二論說

甲 論說之文短則不達長亦取厭故最長者不得登逾三期。如意有未盡則更端論之。

乙 多或三篇少亦二篇。

丙 但爲不知佛學者說法或評議佛學之關於世諦者故立義取乎平易行文只求條達不致以幽深之理奧衍之文驚世駭俗。

三學理

甲 以開闡專宗提倡絕學爲宗旨不取浮濫之說。

乙 以近世通人著述及古代佚文爲限凡已經入藏或坊剞刊布流通者概不闕入。以下各門悉同也

四曆史 凡關係緊要者始行登載間亦取材譯籍。